

## Brkić optužen za organizovanje terorističke grupe

Tužilaštvo BiH jučer je prosljedilo Sudu BiH na potvrđivanje optužnicu protiv Safeta Brkića (1986) iz Olova zbog sumnje da je počinio krivično djelo organizovanje terorističke grupe. Njemu se na teret stavlja da je učestvovao u terorističkim aktivnostima, pružao pomoć terorističkoj grupi i borio se zajedno sa drugim osobama iz BiH, koje su boravile u Siriji, na strani snaga ISIL-a, a u jedinici Muhadžiri Ensarije. Brkić se tereti da je sredinom maja 2013. godine otputovao u Istanbul, odakle je ilegalno prešao granicu između Turske i Sirije i ušao



u grad Haritan, gdje je ilegalno boravio do marta 2014. godine. U grad Haritan je došao sa namjerom da se bori na strani tzv. Islamske države, ISIL-u koji djeluje na području Sirije i Iraka, a koji se nalazi na listi terorističkih grupa Vijeća sigurnosti UN-a.

Brkić je, podsjetimo, bio hapšen u septembru 2014, u akciji Damask, sa Huseinom Bilalom Bosnićem, kojem je u toku suđenje u Sudu BiH. Brkić je tada, nakon saslušanja, pušten na slobodu a navodno je živio u Gornjoj Maoči. Inače je poznat organima gonjenja od ranije. U medijima se njegovo ime vezalo za ime Amara Adrovića, Minela Selimovića i Nermine Softića, koji su u Olovu od ranije bili poznati kao vrlo agresivni momci. Adrović je poznat po druženju sa Bajrom Ikanovićem, koji je u zatvoru proveo četiri i po godine, a po izlasku je otišao u Siriju gdje se i danas nalazi.

**A. B. Č.**